

138

155

東 京 圖 書 館

一	五	一	和
冊	九	五	書
號	七	函	門
	架	類	

無得道論

全

020185-000-5

138-155

無得道論

日遠/著

M15.1

ABH-0400




故
日遠上人著

無得道論 全

京都書肆

再版出版人 村上勘兵衛



無得道論

身延 日遠 著

夫我宗所立念佛無間者法華是諸佛出世之本懷
三說超過之經王也釋尊是娑婆有緣之教主一人
救護之導師也故深可信受者妙典最可歸依者能
仁矣然法然師出世作二卷書欲專勸念佛之行而
盛謗深教之法華有緣之釋尊此義彌布世間普令
諸人墮惡道矣凡言謗者是乖背之義亦是不信之
義也背佛意違經旨不信妙典名之為謗然彼師所
立念佛之行正當此謗罪不信毀謗入阿鼻獄何有
疑乎以故我祖師深順佛意責彼謗法立以念佛無

故
日遠上人著

無得道論 全

京都書肆

再版
村上勘兵衛



道論

身延 日遠 著

夫我
所立念佛無間者法華是諸佛出世之本懷
過之經王也釋尊是娑婆有緣之教主一人
導師也故深可信用受者妙典最可歸依者能
救護之法然師出世作二卷書欲專勸念佛之行而
盛謗深教之法華有緣之釋尊此義彌布世間普令
諸人墮惡道矣凡言謗者是乖背之義亦是不信之
義也背佛意違經旨不信妙典名之為謗然彼師所
立念佛之行正當此謗罪不信毀謗入阿鼻獄何有
疑乎以故我祖師深順佛意責彼謗法立以念佛無

間之名言今欲論此義條門甚多故畧舉彼文義以
加難問引經金言以立正理耳
一就選擇本願念佛行者所立設墮獄之破事
世人多不辨吾祖所立旨趣曰稱名念佛功德諸經
多讚之殊法華中說一稱南無佛但一心念佛等何
可云墮獄業耶不審自元唱佛名是小善成佛稱歎
殊三歸中隨一也直念佛名唱寶號何輩號之墮獄
業耶如又不善人人害人藥不殺人醫師殺人違時
機不辯法勝劣爲立淺法下深法捨勝法與劣法其
罪過不輕經論明據繁多聿依祖師謗法令多人墮
惡道依之令改其弊入正法道依經論釋義所立法

門也選擇一部十六段謗法教多且舉少分者
一僞引文迷惑諸人事

初選擇上云大集月藏經云我末法時中億億衆生
起行修道未有一人得者等云

難云彼經無此文綽公爲令癡闇人信已所立義僞
稱經文誑惑諸人而彼末學十傳弘一雖救之不極成
一以法華云歷劫事

選擇上云故當歷劫迂回之行文

難云釋尊指觀經等四十餘年諸經說歷劫修行不
得疾成無上菩提又傳教大師設法華已前授記歷
劫記釋相開經序分無量義經說之直道大直道忽

相違佛說當之歷劫迂回之行非是謗法耶

一雜行千中無一之事

第二選擇七上引往生禮讚六云但使專意作者十即

十生修雜不至心者千中無一文次下私之文云

見此文彌須捨雜修專豈捨百即百生專修正行

堅執千中無一雜修雜行乎行者能思量之文

難云此文大謗法也法華經云未來世中若有善男

子善女人聞妙法華經提婆達多品淨心信敬不生

疑惑者不墮地獄餓鬼畜生生十方佛前又云後五

百歲中間是經典如說修行於此命終即往安樂世

界文如是等者濁世末代法華行者臨命終之時必

遂往生明文也何肯此等金言以法華簡雜行云千

中無一等耶導然之兩師俱墮謗法罪可哀可悲

一捨棄違背此土教主釋尊罪之事

此師所立十選擇上五種雜行意云禮拜釋尊或稱

名或供養或讚歎等悉是雜行妨學往生等乃至

下文七上云彌須捨雜修專豈堅執千中無一雜

行乎

難云是誠極重罪也凡諸佛功德慈悲平等雖無不

同而由因位願力各各取土利益衆生然釋尊以大

慈悲之力取娑婆穢惡土集十方淨土擯出衆生於

此土度之故說唯我一人能爲救護如是大慈悲大

恩導師何不禮之却捨之一是又普天下莫非王土率
土濱莫非王民釋尊既是今此三界皆是我有國主
也其中衆生民下豈違背之乎二是又非結緣衆生則
無來生其土此土既釋尊之所領也所生衆生緣深
釋尊故說我常在此娑婆世界說法教化等云云從久
遠五百塵點劫成佛已來常在此界結緣利益豈捨
有緣之教主賴無緣之他佛耶故智者大師云西方
佛別緣異等云云是又本從此佛初發道心亦從此
佛住不退地或又初從此佛菩薩結緣還捨此佛菩
薩成就等云云此義皎然也期成佛輩豈背釋尊四是又
釋尊者此土教主既是本師末代受化弟子豈不尊

重歸依耶而却輕忽之誠背不敬師長之戒當逆路
伽耶陀罪五是又蒙恩不報尙是世所禁也況以知恩
爲懷釋氏輩忘教主國王大恩澤耶六是又以供養雜
行等言令諸人止造釋尊像起塔供養等輩凡造像
起塔者以爲教主營之爲本三國諸宗雖異從上古
已來無移其風而依法然師弘通入彼宗門之輩釋
尊堂塔無一字建立之造像供養永止訖極重大罪
不可稱述七是
一背釋尊本意并違釋尊教勅事
難云經云爲令衆生開佛知見出現於世或云雖示
種種道其實爲佛乘等云云釋尊本意欲令一切衆

生持此妙法非但釋尊彌陀等諸佛意亦然也故經云諸佛本誓願我所行佛道普欲令衆生亦同得此道雖說百千億無數諸法門其實爲佛乘等云而然師以法華云雜行普令衆生捨之最背釋尊本意又違諸佛素懷也又違釋尊教勅者法華經第四云佛欲以此妙法華經付囑有在又云諸佛子等誰能護法當發大願令得久住等云而法然師云之雜行捨閉閣拋佛敵大罪何得免耶

一第彌陀如來不以餘行爲往生本願唯以念佛爲往生本願之事

難云此義違無量壽經之現文何者第十九願云發

菩提心修諸功德等云第卅願云殖諸德本等云此是以一切諸行爲往生本願明文也定散等諸行雖有不同而不過福德智慧二種是故惣畧諸行立爲兩願修諸功德是福德殖諸德本是智慧也何云不以餘行爲本願乎汝家救之云此是來迎果遂之由也故二願非生因願功德與德本二行只是來迎果遂之因也云難云此義不順文理見十八十九二十三願文勢其語全同矣第十八乃至十念第十九修諸功德第二十殖諸德本此三文同例也復第十八若不生者第十九假令不與等第二十不果遂者亦是同例也若言第十九是來迎願而不以修

諸功德爲本願又第二十願生因來迎果遂三願分明也何者不生不果等其言雖異其義全同故於第二十願莊嚴經云無不得生寶積經云若不生者全無果遂言而汝狼謂直生果遂以分其異名爲生因來迎果遂三願則違背經文義誤之甚矣縱令曲救終不能免此過而已

一念佛與法華等之行相對而立難易勝劣之誤事

選擇上廿云名號功德最爲勝也餘行不然各守

一隅是以爲劣也文

難云用彌陀一佛名以爲最勝指諸餘行以爲各守一隅是大謗法也凡法華經三世十方一切諸佛父

母師範而收釋迦彌陀等一切功德故法華云聞法歡喜讚乃至發一言則爲已供養一切三世佛又云以七寶滿三千大千世界供養於佛及大菩薩辟支佛阿羅漢是人所得功德不如受持此法華經乃至一四句偈其福最多普賢經云此方等經是諸佛眼諸佛因是得具五眼佛三種身從方等生又云此大乘經典諸佛寶藏十方三世諸佛眼目出生三世諸如來種涅槃經云諸佛所師所謂法也文是故勝佛天地雲泥故天台大師釋此義疏淨名云若止供養一佛於餘佛無功德毀一佛於餘佛無罪若供養佛母實相則於三世十方佛所俱得功德若毀謗佛母則

於諸佛爲怨文一選擇上廿云名號者是萬德之所歸也文

難云名必顯體故彌陀一佛之萬德則可歸名號何攝他佛功德耶法華說出生三世皆於此經是則萬德所歸故淨名疏云若供養一佛於餘佛無功德矣況復論三寶勝劣時法勝佛劣諸宗共許於中法華超過諸經何以之云攝在名號中乎謗法至極一依一向專念文悉捨餘行偏用稱名誤事

第四選擇上卅云此有三意一者爲廢諸行歸於念佛而說諸行也乃既云一向不兼餘明矣既先雖說餘行後云一向專念明知廢諸行唯用念佛故云

一向若不然者一向之言最以亘消歟文

難云此釋顯然背彼經文義彼經說上輩云一向專念無量壽佛修諸功德願生彼國中輩文云一向專念無量壽佛多少修善奉持齋戒起立塔像等下輩文云當發無上菩提之心一向專意云

雖有一向言三輩俱舉念佛諸行雙存二途豈爲廢諸行耶況復三輩九品只是開合異耳若云諸行爲廢舉之者九品文如何消之紙廿二云既先雖說餘行後云一向專念明知廢諸行是則曲解經文誑惑諸人何者既上輩文專念後方云修諸功德中輩文專念後方云多少修善等嗚呼然公不見此文又下

輩文云當發菩提心而一向專念不云離菩提心當
獨專意況發菩提心行者是萬行之最要故三輩中
隨機淺深自餘行則存略發菩提心行俱具足經文
顯然道理必然也然公不用菩提心行等摧邪輪中
破之以爲誹謗三寶罪意在於此耳然公此文爲據
廢捨諸行立專修念佛行此義既破所立安存乎
一念佛名大利無上法華等諸餘行名小利有上事
第五選擇上卅云大利者是對小利之言也然則以菩
提心等諸行而爲小利以乃至一念而爲大利也
又無上功德者是對有上之言也以餘行而爲有
上以念佛爲無上也文

難云是則顛倒也佛自以法華說但說無上道宣是
則大利然公反之豈非謗法耶特引觀經無上文成
此義是不知當分一往無上故也凡爾前經經中或
稱無上或稱經王皆是一分無上當分小王也譬如
粟散王諸候王等亦是稱王法華經者是至極之無
上最尊之大王也譬如輪王天子最勝無等倫而却
指之爲有上者如下天子爲土民謗罪墮獄可恐云
一法華與無量壽經在滅之前後誤事
第六選擇上七三云末法萬年後餘行悉滅特留念佛之
文善導法然二師俱引無量壽經經道滅盡特留
此經文云無量壽經至末法萬年後百歲廣有利

益法華等經其前悉滅而無利益云
難云此有多失略言之一者違文二者違義初違文
者違同本異譯文故無量清淨平等覺經云我般泥
洹去後經道留止千歲千歲後經道斷絕我皆慈愛
特留此經法止住百歲大阿彌陀經下廿文同此經
文謂佛滅度後千歲法住而千歲後經道滅盡於其
百歲無量壽經可留止矣是則彼經留止者正當正
法千年畢像法始百歲然於本經中有未詳文則以
異譯經定之常掟也無量壽經但云經道滅盡止住
百歲無明指其時節既兩譯文為顯然也何違佛說
私作曲釋耶次違義者經經滅盡先後由法淺深豈

三說超過諸經中王法華法先滅竟後更有淺近
無量壽經獨留止耶亦法然師孫弟良忠決疑抄十三
四五引思益經江河先滅大海後竭等文釋此特留
義云無量壽經濟凡教中最為第一終窮極說故經
盡滅後特留等云是亦大顛倒法華經云譬如一
切川流江河諸水之中海為第一此法華經亦復如
是於諸如來所說經中最為深大文釋迦如來一切
經中以法華為大海以餘經為江河而良忠却以法
華經大海為江河以彌陀經等餘經江河為大海以
彼經為於濟凡中最為第一何也凡於淺深法論久
住不久住者由利益有無故淺法後留以利益功大

法華深法勝出諸經故濟凡功亦超過一代經宜以此經爲濟凡中第一故經云此經能令一切衆生離諸苦惱等云利濟大者豈過之耶然則正像末三時中小乘先滅權大乘次滅實大乘後留如是法滅先後重重不同故彼經云佛滅千歲已後止住百歲是則對最淺近法約像始說留止相故知念佛行是過時法非當今所用法華經是最深法故最後留止益當時故經云後五百歲中廣宣流布於閻浮提無令斷絕又云於如來滅後閻浮提內廣令流布使不斷絕等云故二經住滅先後師資錯謬甚多最可怖畏矣

一彌陀光明不照餘行者唯攝取念佛行者之文專
七選擇十一四引觀無量壽經云一一光明遍照十方
世界念佛衆生攝取不捨次下三四引善導觀念
法門揔而不論照攝餘雜業者云
難云此觀經意約念佛當分機如是何不利益彌陀
師匠妙法修行者耶既論三寶勝劣時法寶勝事天
晴地明也殊涅槃經云諸佛所師所謂法也彌陀成
道既依妙法何不利益法寶行人耶不案如是道理
妄云念佛是所選取妙行也諸行是所選捨應行也
謗罪可恐
一念佛之行者必可具足三心之事

選擇十四引觀經云具三心者必生彼國云

難云今之念佛之行者於三心中一心不具足何能遂往生耶可笑云

一誹謗無上乘行者云群賊事

選擇十五引善導觀經疏云群賊等喚迴者即喻

別解別行惡人惡見人等云法然釋此文云十五

九言一切別解別行異學異見等者是指聖道門

之解行學見也云

難云此謗言最大罪也法華經云若於一劫中常懷

不善心作色而罵佛獲無量重罪其有讀誦持是法

華經者須與加惡言其罪復過彼又云見有讀誦書

持經者輕賤憎嫉而懷結恨乃其人命終入阿鼻獄

文如是文繁多也可恐云

一念佛行者可行用四修法之事

九第初引西方要決云但修四修以為正業一者

長時修從初發心乃至菩提恒作淨因終無退轉

文餘三修至文可見

難云四修中之一行長時修今時下根下機可修耶

念佛之行還難行道也法華說利根鈍根等雨法雨

不擇利鈍皆得佛果故易行道也不知如是文妄謗

法華墮獄可恐云

一彌陀化佛來迎不讚歎聞經善唯讚歎念佛行事

第十選擇下云聞經之善是非本願雜業故化佛不讚
念佛之行是本願正業故化佛讚歎文
難云是大誑惑之義也何者法華經云聞妙法華經
提婆達多品淨心信敬不生疑惑者不墮地獄餓鬼
畜生生十方佛前如此經文持法華經者既生十方
佛前彌陀之淨土豈十方外既一代教主釋迦如來
說生十方佛前彌陀豈不來迎法華持者耶若疑法
華念佛行者爭有來迎生疑不信者即當墮惡道之
道理顯然云若觀經云汝稱佛名故諸罪消滅我
來迎汝者是約念佛往生機之邊一途也
一約對雜善讚歎念佛之事

第十選擇下觀無量壽經云若念佛者當知此人是
人中芬陀利華云次下十私文云其中念佛是
即勝行故引芬陀利以為其喻譬意應知加之念
佛行者觀音勢至如影與形暫不捨離餘行不爾文
難云此經文一往讚歎念行人文也而是非不讚
歎法華何者寶塔品云此經難持若暫持者我則歡
喜諸佛亦然云既云諸佛亦然彌陀豈諸佛外耶
殊已今當之三說相對時三說劣法華勝之文法師
品顯然也彌陀等三部經已說而劣於法華明白也
其已說念佛行勝於法華乎法然公邪義可笑云
一第十引觀經汝好持是語等之文云不付屬諸行

唯付念佛誤事

難云彼經文者全付一部諸行非獨付稱名是故地
想觀經文云佛告阿難汝持佛語爲未來世一切大
衆欲脫苦者說此觀地法華座觀文云汝等憶持分
別爲說云云序分文云汝當受持宣說佛語云云流
通分云行此三昧者現身得見無量壽佛及二大士
文如是皆是以諸行令流通明文也汝好持是語之
義亦同之何云但付屬稱名耶若言上所引文是勸
持流通非付屬流通其付屬是獨付稱名亦是不知
付屬勸持義旨也勸持者爲付屬也亦付屬者必是
付屬勸持法勸持既亘定散付屬何捨諸行耶一是又

汝好持是語文汝如何得之耶夫言是語者指上言
也於次上文旣無可指佛名何云但付屬念佛是則
指上此經名觀極樂國土無量壽佛觀世音菩薩大
勢至菩薩等佛自唱題名故天台釋彼經文不云稱
名付屬是惣而攬一部定散諸善以收是題中付之
阿難竟凡題號者惣攬一部以爲之題何今付屬捨
諸行乎而云嫌捨定散諸行唯獨付屬念佛一行是
甚誤也二是又觀經一部所詮正在明觀察是故題號
先標云觀今所付亦正在觀察如何云但付稱名況
佛自題一經明白云觀極樂國土無量壽佛觀世音
大勢至菩薩經經家略題但置觀無量壽四字矣旣

具題意舉觀極樂之依正二報故天親菩薩往生論
順此聖意以二十四行偈宣觀極樂依正相經論毫
末不差若爲恣曲情誣聖誑凡汝所引是語者即指
彼佛自唱之題故以觀極樂依正摠題付與阿難明
矣何但云佛名三是故引彼文以爲選擇付屬以是偏
勸稱名強捨諸行大妄說大謗法也又更有謗法言
選擇三下廿云諸行非機失時是大違背佛語法華云
我滅度後後五百歲中廣宣流布又云於後五百歲
濁惡世中求索者受持者又云惡世末法時能持是
經者則爲已如上具足諸供養文如是明說一經中
繁多也是所謂於末法當今時法華正流布可救衆

生明文也背此等之金言卻云非機失時謗法罪之
甚也

一觀經讀誦大乘言攝法華等誤事

難云四十餘年未顯真實觀經中何攝世尊法久後
要當說真實之法華耶而被集中下十釋攝法華義
云唯云大乘無選權實然則正當華嚴方等般若法
華涅槃等諸大乘經也文今難云凡判一代權實法
華實教所說非爾前權教分齊何於權教中苟有判
權實耶故釋云唯至法華說前教意顯今經意等云
云例如小乘中無大小判故雖阿含小乘中無選大
小通云佛教而其佛教言但是小乘無敢攝大今亦

復爾雖云大乘但是權大乘何攝至極實大乘耶上
能兼下劣不兼勝此之謂矣故法華云譬如一切川
流江河諸水之中海爲第一此法華經亦復如是等
既是以大海譬法華以江河譬餘經豈有江河餘經
中說大海法華之理耶況如是深法而嫌雜行謗法
至哉如是大謗法於彼集中不可稱計今略舉之以
此邪義亦普令諸人偏執念佛一行謗極深妙之人
法入阿鼻獄之根本非是而誰也最可怖畏云
一以念佛爲多善根大善利勝以法華爲小善根劣
善根事選擇下二十四有之
難云亦是違佛說陀羅尼品云佛告藥王若善男子

善女人供養八百萬億那由佗恒河妙等諸佛於汝
意云何其所得福寧爲多不藥王荅言甚多佛言能
於是經乃至一四句偈讀誦解義如說修行功德甚
多如此經文法華爲多善根藥王品云以七寶滿乃
至其福最多文句十云七寶奉四聖不如持一偈法
是聖師能生能養能成能榮莫過於法故人輕法重
文是少多少大小勝劣輕重如天地水火異背此等經
文豈非大謗法耶然則彼師所立稱名念佛墮獄事
譬喻品文顯然故吾祖師所立有誰加難勢耶
一六方恒沙諸佛不證誠餘行證誠念佛念佛本願
餘行非本願誤事

無得道論

十一

選擇下廿云問曰何故六方諸佛證誠唯局念佛一行乎答曰若依善導意念佛是彌陀本願也故證誠之餘行不爾故無之也文

難云汝謂彌陀經六方證誠真實故出此邪義既法華云四十餘年未顯真實豈六方證誠真實乎假令是真實法華證誠集十方恒沙諸佛六方與十方多少數量何劣耶法然之邪義不始于今大罪可恐云

無得道論終

無得道論 奧書

文政四辛巳年三月原 版

明治十五年二月十一日再版御届

同 年同月 刻 成

定價金拾錢

京都府平民

原版人并
再版出版人

村上勘兵衛

上京區第廿九組曇花院前之町
四百五十三番地

158
155

